

四庫全書

史部

欽定四庫全書考證

卷三十一 史部

綱目分注拾遺

續宋編年資治通鑑

靖康要錄

宋史全文

通鑑續編

大事記續編

元史續編

三朝北盟會編

蜀鑑

炎徼紀聞

宋史紀事本末

明史紀事本末

左傳紀事本末

綱目分注拾遺

溧陽萬長恤撰

卷一

巫蠱條掘地求偶人刊本掘訛握令改

朱穆奏記又掠奪百姓刊本掠訛涼據通鑑改

卷二

楊駿條及中書令何邵刊本邵訛邵據通鑑改

卷三

李諤上書以傲誕云云刊本以傲誕訛指儒素據通鑑

改

以高仙芝為安西四鎮節度使條藤橋潤盡刊本潤訛
閣據通鑑改

卷四

李泌諫易太子條注綴在黃臺瓜辭之下刊本臺瓜二
字互倒今改

張仲武條注幽人心向仲武刊本幽訛幽據通鑑改

蠻寇安南條知峰州者言于瑒刊本瑒訛涿據通鑑改

續宋編年資治通鑑

宋劉時舉撰

卷三

宋高宗紹興三年玠一日夜馳三百里至饒風原本風訛州據綱目改

卷五

十一年布衣劉允升上書訟飛冤原本允訛元據綱目改

卷七

三十一年敵帆皆以油纈為之原本油訛錦據綱目改

卷九

孝宗乾道六年止可奉遷卽俟刻期之報原本刻訛到
據綱目改

卷十一

光宗紹熙五年上曰始除熹經筵耳今乃事事欲與聞
原本脫聞字據綱目增

卷十二

寧宗慶元元年太學生楊宏中等六人上書刊本脫中
字據綱目增

卷十四

嘉定八年金主急召花帽軍於山東原本於訛爲據綱
目改

靖康要錄

不著撰人名字

卷一

孝慈淵聖皇帝案宋史作恭文順德仁孝皇帝 又母

曰恭惠皇后惠宋史作顯並與此異

五年二月乙巳條太保武昌軍節度使原本太訛少據

宋史改

六月乙亥詔納故少傅恩平郡王朱伯材女孺人朱氏

爲妃案乙亥宋史作癸未與此異

卷二

六日手詔條司馬光范仲淹可贈太師案宋史作追封
范仲淹魏國公贈司馬光太師與此異

十九日聖旨條近差承議郎劉棐原本棐訛傑據宋史
改

卷三

十一日發運判官陸寘條尋盟修好原本脩訛尋據左
傳改

二十八日少宰吳敏劄子鄆國公榷案宋史及通鑑俱
作鄆王楷並與此異

卷四

九日少宰吳敏奏尹焞鄧肅之流原本焞訛焞據宋史改

卷七

九日宋晁責授單州團練副使條得所與余覩蠟書原本覩訛都據通鑑改

卷八

六日聖旨條朝奉郎呂好問原本好訛言據宋史改
九日臣僚上言吳敏責授崇信軍節度副使涪州安置

原本崇訛同涪訛若並據宋史改

二十一日詔孫傳條尹焞補和靖處士案宋史作賜布
衣尹焞爲和靖處士

宋史全文

宋李燾編

卷一

太祖丙寅乾德四年注南漢天寶九年北漢天會十一年刊本九訛十一訛二並據前後編年改

卷二

殿前散員都虞侯注環州刺史董遵誨刊本遵誨訛勃海據宋史改

上自卽位數出微行條彼彈丸黑子之地刊本九訛圓據通鑑改

卷三

太宗太平興國三年九月上御講武殿條得渤海胡旦
以下七十四人刊本下訛得今改

卷五

契丹抵瀛州城下條瓊隨入立庭下刊本入立二字互
倒據通鑑改

是月徙敏中知河南府條嫗嘆之曰彼婦人者刊本彼
訛役據通鑑改

卷十三下

哲宗壬戌詔監察御史長安民條其實皆借此名以報復私怨刊本借訛據宋史改

卷十四

范純仁卒條純仁性夷易寬簡刊本脫簡字據通鑑增甲辰魏漢津言禹以聲爲律刊本律訛津據宋史改

通鑑續編

明陳桎撰

卷一

帝嘗高辛氏在位七十年注伯虎仲熊刊本虎訛亮據
左傳改

卷二

丙子春二月契丹大赦建元注父曰容我梅里案遼史
后父婆姑梅里名月挽與此異

甲申夏六月契丹主侵吐渾等部注抵霸室山六里刊
本室訛里據遼史改

壬寅晉主敬瑭殂注馬步都虞候景延廣刊本廣訛度
據五代史改

卷三

庚申趙匡胤稱皇帝注翰林承旨陶穀刊本闕穀字據
宋史補

卷四

宋太平興國四年以石熙載簽書樞密院事刊本書訛
署據宋史改 又師團太原注凡得州十縣四十戶
十三萬案綱目續編作州十軍一縣四十一戶十三

萬宋史帝紀作三萬語俱互異

雍熙三年張齊賢大敗契丹于土鎧堡注師出并州至
北井刊本北井訛柏并據宋史改

卷六

天聖七年契丹蕭孝穆帥師討之注遼東無權酤鹽麴
之法刊本麴訛麴法訛征並據遼史改

九年契丹封李德昭子元昊爲夏國公刊本脫元字今
增

卷七

嘉祐六年以司馬光同知諫院注光復上疏刊本光訛者據宋史改

起復濮安懿王子宗實知宗正寺注凡十八表而後許之案宋史帝紀作奏四上乃聽與此異

卷八

熙寧三年以司馬光爲樞密副使注諸侯變禮易樂者刊本侯訛使據宋史改

四年開封府推官蘇軾乞罷注造端宏大民實驚疑刊本民訛名又所喪逾多刊本逾訛渝並據宋史改

置洮河安撫使命王韶主之原本韶訛韶主訛立又脫
之字並據宋史改增

卷九

八年遼主殺其后蕭氏注伶官趙惟一刊本惟訛清據
遼史改

元豐六年夏主秉常上表注王師徂征刊本徂訛徂征
訛疆並據宋史改

八年詔百官言政闕失注詔榜朝堂刊本榜訛謗據宋
史改

卷十

元祐三年戶部獻天下民數注主戶一千二百一十三萬案宋史哲宗紀無一千二字

八年以范純仁爲尚書右僕射注上疏論純仁不可復相刊本論訛論據宋史改

元符三年詔復元祐黨人范純仁等官注得地難耕刊本難訛必據宋史改

卷十一

崇寧元年議復湟州注蔡京蔡卞請復湟鄯刊本鄯訛

澠據宋史改

大觀四年有星孛于奎婁注託爵祿以市私恩刊本託訛記據宋史改

卷十三

靖康二年宗澤敗金人于衛州注澤計敵衆十倍刊本十訛士據宋史改

卷十四

建炎三年扈從統制苗傅劉正彥作亂注前言二將學不足如何刊本將訛相據宋史改

四年張浚退守興州注或請徙治夔州刊本夔訛瓊據
綱目續編改

卷十五

紹興三年劉子羽之師潰于饒風關注雖入三州而得
不償失刊本得失二字互訛今改

卷十七

十七年趙鼎卒于吉陽軍注令本軍月具存亡申省刊
本脫省字據綱目續編增

卷十九

慶元三年籍偽學罷吏部侍郎黃由注曾受偽學舉薦
刊本受訛度據綱目續編改

嘉定元年王柟還自汴注柟未之知也刊本柟訛相據
綱目續編改

卷二十

八年蒙古殺張鯨注改元興龍刊本龍訛隆據元史改
卷二十一

寶慶六年金崔立執其梁王從恪注凡車三十七兩刊
本脫車字據金史增

卷二十二

嘉熙三年孟珙遣師分道禦蒙古注命弟瑛以精兵五千駐松滋刊本弟訛晉據綱目續編改

大事記續編

明王禕撰

卷一

漢孝昭皇帝始元五年夏陽男子張延年詣闕自稱衛太子刊本延年訛威遂據漢書改

卷二

孝宣皇帝甘露三年詔諸儒講五經同異於石渠閣解題穀梁則尹更始劉向周慶刊本慶訛度據漢書改

卷三

孝元皇帝初元五年罷角觝上林宮館希御幸者刊本

館訛謂又脫御字並據漢書改增

卷六

孺子嬰居攝元年安衆侯劉宗起兵討莽刊本衆訛漢
據漢書改

卷九

世祖光武皇帝建武二十三年陳留太守王況為大司
徒解題玉音肅刊本玉訛況據漢書改

卷十

顯宗孝明皇帝永平二年是歲始迎氣于五郊解題四

方之兆各依其方中央之兆在未刊本脫各依其方
中央之兆八字據漢書增

卷十一

肅宗孝章皇帝建初八年虎賁中郎將竇憲奪沁水公
主田解題憲陰喝不得對刊本脫憲字據後漢書增

卷十五

孝順皇帝建康元年太子卽皇帝位解題何其效僻之
多歟刊本效訛放據後漢書改

卷十八

孝靈皇帝建寧二年段熲大破先零羌于射虎塞口谷
解題穀馬揚埃刊本穀訛穀 又徵糧粟鹽鐵之積
刊本鐵下衍縑絲二字 又轉輸勞來之費刊本脫
來字並據後漢書改刪增

卷十九

中平六年中常侍張讓等殺進於嘉德殿解題我奈何
楚楚與士人共對事乎刊本人訛子又共對二字互
倒據後漢書改

孝獻皇帝初平三年以征西將軍皇甫嵩爲車騎將軍

刊本脫征字據後漢書增

卷二十三

安樂思公延熙十三年魏罷校事官解題初無校事之
官干預庶政者也刊本庶下行民字據魏志刪

魏元皇帝咸熙元年鍾會反衆誅之解題故給使使宣
語三軍言會反刊本給訛給據晉書改

卷二十八

晉中宗孝元皇帝大興元年廣武愍侯劉琨爲段匹磾
所害解題公甚似劉司空刊本空訛公 又庚寅李

矩都督司州諸軍事司州刺史刊本脫諸事又事訛
士並據晉書改增

卷二十九

孝宗穆皇帝永和元年冬張駿降焉耆刊本焉訛焉據
晉書改

卷三十

哀皇帝隆和元年龍驤將軍袁真為西中郎將監豫司
并冀四州軍事刊本司訛州據晉書改

卷三十一

烈宗孝武皇帝太元四年秦陷盱眙解題後禁毛盛刊
本後訛右據晉書改

卷三十二

太元十五年秦將軍魏揭飛攻後秦杏城解題萇固壘
不戰刊本脫固字據晉書增

卷三十三

安皇帝隆安元年沮渠男成推涼建康太守段業為涼
州牧刊本建下衍始字 又隆安五年武威王利鹿
孤稱河西王解題且首兵始號事必無成刊本兵訛

然並據晉書刪改

卷三十六

宋高祖武皇帝劉裕永初元年宋初限荊州將吏解題
吏不得過五千人刊本千訛百據宋書改

卷三十七

魏高宗文成皇帝和平二年魏大旱復羣祀刊本羣訛
郡據通鑑改

卷三十八

魏高祖孝文帝延興五年魏置河東鹽官解題近池之

民又輒障客刊本池訛地據魏書改

宋蒼梧王元徽四年宋袁粲劉秉謀誅蕭道成不克解
題時立一意則衆莫能改刊本改訛決據南史改

卷四十八

煬皇帝大業元年開通濟渠刊本渠訛梁據北史改

卷五十一

唐太宗文武皇帝貞觀十五年命兵部尚書李勣等爲
四道行軍總督刊本脫爲字據唐書增

卷五十三

則天順聖皇后武氏垂拱三年殺劉禕之解題不經鳳閣鸞臺何名爲敕刊本經訛乾據唐書改

卷五十八

玄宗明皇帝天寶七載高力士加驃騎大將軍解題由是還內宅不復與事刊本脫與事二字據唐書增十四載徵祿山不至解題西據洛陽刊本洛訛維據唐書改

卷五十九

肅宗皇帝上元二年李揆貶袁州長史刊本脫袁州二

字據唐書增

卷六十

德宗皇帝建中三年馬燧等大敗田悅于洹水解題悅
求救於青恒冀李維岳李納合兵萬三千人救悅刊
本脫求字又脫李納二字並據唐書增

卷六十一

貞元十六年鄭餘慶貶邢州司馬刊本脫郴州二字據
唐書增

卷六十三

憲宗皇帝元和七年營田振武天德解題人耕百畝刊
本畝訛頃據唐書改

十二年李愬襲破蔡州解題嚴緩次于蔡州西鄙刊本
鄙訛略 又其徒白官發之八月留守呂元膺以兵
掩郛刊本發訛散留訛劉 又光顏徐曰我去室家
久刊本徐訛視並據唐書改

卷六十四

穆宗皇帝長慶元年貶禮部侍郎錢徽中書舍人解題
宰相段文昌學士李紳以所善諉徽求致第籍刊本

諉訛誘據唐書改

卷六十五

文宗皇帝開成三年戶部尚書楊嗣復戶部侍郎李珣
同平章事解題德裕再徙鎮而宗閔故在貶地刊本
故訛妬據唐書改

卷六十六

武宗皇帝會昌四年加司徒李德裕太尉衛國公解題
大兵隨以北繇是所向多負刊本所訛取據唐書改
卷六十九

僖宗皇帝光啓元年李克用救河中解題因示偽詔克用方與全忠有隙信之刊本脫之據唐書增

卷七十

昭宗皇帝天復三年楊師厚大破王師範解題繡與曹公爲敵刊本爲訛立據五代史改

卷七十五

晉高祖皇帝石敬瑭天福元年鎮州牙將祕瓊逐節度副使李彥珂刊本李訛率據五代史改

元史續編

明胡粹中編

卷一

世祖皇帝至元十三年宋以益王昱判福州原本昱訛
昱據宋史改

卷五

成宗皇帝元貞元年三月安南入貢注且謝寬貫恩原
本貫訛貫今改

卷八

仁宗皇帝延祐二年以楊載為浮梁州同知注李侯有

佳句往往似陰鏗原本鏗訛鐘據杜少陵集改

卷十

文宗皇帝至順元年敕贓罰銀鈔給大禧宗禋院原本
禧訛禧據毛詩改

三朝北盟會編

宋徐夢莘撰

卷三十四

靖康元年太學生陳東伏闕上書臣等素與綱無半面之雅與邦彥亦昧平生原本脫彥字據宋史增

卷四十九

李綱抵河陽論罷起兵等事劄子國之大事在我原本我訛我據國語改

卷六十六

分命使人往陝西授范致虛五路宣撫使原本致訛治

據宋史改

卷七十五

二年中興姓氏錄至在圍城中上書不為時相所容原本上訛尚又脫不字案本卷前文云何鼎拜相力主戰議劉韜極言不可輕戰遂落職又引靖康小錄云韜以言章罷守禦今據改

卷九十五

再申大元帥府狀天祐有宋必將有主原本脫有主二字據左傳增

卷九十九

汴都記副元帥宗澤原本脫澤字據宋史增

卷一百二十九

建炎三年汪伯彥責授江州團練副使原本脫練字據

宋史增

卷一百九十八

紹興九年郭守中阻兵闕蜀原本脫兵字據宋史增

又案郭宋史作祁

蜀鑑

宋郭允蹈撰

卷五

晉永和三年條德陽今遂寧府原本德訛得又脫遂字
並據宋史改增

卷六

宋元嘉三年龐諶據武興原本龐上行秦字據資治通
鑑吉翰為梁秦二州刺史諶守始平翰遣據武興此
蓋節錄其文而誤衍耳今刪

卷七

唐天寶十五年帝至散關條分將六軍以次之原本脫
將字據資治通鑑增

卷九

西南夷本末漢永平十七年白狼夷稱臣條巖阻峻回
原本巖訛若據漢書改

遣使立異牟尋為南詔王條賜以銀窠金印原本脫金
字據通鑑增

炎徼紀聞

明田汝成撰

卷一

岑猛條自叙漢舞陰侯岑彭後原本舞訛武後訛子並
據後漢書改 又都御史姚鏌原本鏌訛謨據明史
改

卷二

斷藤峽條惜費不可以成事原本複衍成字今刪

卷四

孟養條貴姓首思仁案思仁明史作思任發 又思仁

少子思祿案思祿明史作思陸發並與此異

宋史紀事本末

明馮琦原編

陳邦瞻增輯

卷三

契丹盟好條自古北口至柳河回曲殆千里欲夸示險
遠刊本脫口字曲字並據宋史增

卷四

天書封祀條其書黃字三幅詞類洪範道德經刊本其
訛有據綱目續編改

卷五

正雅樂條卽依前譜次第成曲其徵聲自同本律刊本

徵訛徹據張溥本改

卷六

夏元昊拒命條緣邊都巡檢楊遵與戰敗績環慶都監
齊宗矩援之刊本環訛還據宋史改

卷七

英宗之立條又上言陛下得臣疏不以留中而付中書
刊本又上二字訛作人字據綱目續編改

卷八

王安石變法條因難琦奏曰如桑宏羊籠天下貨財以

奉人主私用乃可謂興利之臣今陛下修周公遺法
抑兼并振貧弱非所以佐私用安可謂興利之臣乎
刊本脫今陛下至興利之臣二十七字據綱目續編
增

卷九

西夏用兵條復出兵追夏人殺其老幼二百刊本追訛
還據綱目續編改

卷十

元祐更化條雖曰平均物值而其實不免貨交取利刊

本值訛置據綱目續編改

卷十一

建中初政條貶惇武昌節度副使居潭州刊本脫副字
據綱目續編增

道教之崇條帝奉玉冊玉寶如玉清和陽官上玉帝尊
號刊本脫陽字據綱目續編增

卷十二

金滅遼條發契丹奚軍三千及中京禁兵等七千屯出
河店刊本河店二字互倒據遼金史改

卷十三

二帝北狩條帝命濟王栩如金營報謝刊本營訛宮據
張溥本改

卷十四

李綱輔政條帝乃出綱奏責授邦昌保化軍副使潭州
安置并安置王時雍刊本脫并安置三字據綱目續
編增

卷十六

張浚經畧關陝條斛輸錢三十頭子錢二十二刊本脫

下錢字據宋史增

卷十七

秦檜主和條金將議和當遣一人受書還報欲弁與倫
探策決去留刊本脫欲字據綱目續編增

卷十九

孝宗之立條且薦徽猷閣待制范冲兼翊善刊本脫范
冲二字據宋史增

卷二十

孝宗朝廷議條管仲嘗三戰三北刊本脫下三字 又

寄食出胯下刊本脫下字並據史記增

卷二十一

道學崇詘條待制以上則有朱熹徐誼彭龜年陳傅良
薛叔似章穎刊本脫叔似二字據宋史及朱子大全
集增

卷二十二

兩朝內禪條皇太后為壽聖皇太后刊本壽聖二字互
倒據宋史改

卷二十三

蒙古侵金條尚宮左夫人鄭氏掌寶璽刊本夫人訛大
夫據宋史改

卷二十四

史彌遠廢立條起居郎魏了翁考功員外郎洪咨夔相
繼言竝之寃刊本咨訛啓據宋史改

會蒙古兵滅金條南門守者棄門走門洞開刊本洞訛
西據張溥本改

卷二十五

蒙古連兵條彥呐至蜀口檄帳前總管和彥威以車還

河刊本檄訛輟據宋史改

卷二十七

蒙古陷襄陽條萬戶史格一軍先渡刊本戶訛方據宋
史改



明史紀事本末

浙江學政僉事谷應泰編

卷二

平定東南條元順帝二十二年賀仁德走縉雲刊本仁德二字互倒據上文改

卷五

方國珍降條太祖吳元年進次餘姚降其知州李樞及上虞縣令沈煜刊本令訛邑令改

卷六

太祖平閩條不數日奄至福州五虎門刊本缺州五二

字據明史補

卷九

畧定秦晉條由河南渡河克武陟刊本陟訛涉據明史
改

卷三十

麓州之役條又追敗之高黎貢山下刊本貢訛共據下
文改

卷五十四

嚴嵩用事條不記鈐山堂二十年清寂耶刊本年訛早

據王士祿上浮集改

卷六十

諳達封貢條汾州文水清源諸處刊本文訛又據一統志改

卷六十二

援朝鮮條朝鮮釜山與日本對馬島相望刊本鮮釜訛解金又對馬二字互倒並據明史改

卷六十五

礦稅之弊條谷應泰評州人璣貝刊本州訛甘據周禮

改

卷七十

平徐鴻儒刊本儒訛孺據明史改

卷七十一

魏忠賢亂政條中書舍人吳懷賢下獄刊本賢訛學據

明史改

卷七十五

中原羣盜條竒嵐大盜高加計刊本竒嵐二字互倒據

明史改

左傳紀事本末

詹事府詹事高士奇撰

卷一

王朝交魯條文公元年王使毛伯衛來錫公命刊本錫
訛賜據注疏本改

卷三

王臣之事條宣公十六年補逸乃講聚三代之典禮刊
本脫講字據國語增

卷四

王室庶孽之禍條昭公二十一年補逸瓦繇尚宮匏竹

尚議刊本議訛義據國語及韋昭注改又案徐堅初
學記引作竹尚商絲尚宮匏土尚徵 又二十二年
辛丑伐京毀其西南案唐經南下有子朝奔郊四字

卷七

魯文姜之亂條桓公十八年補逸失親戚之禮命刊本
禮訛理據管子改

卷九

三桓弱公室條莊公二十三年補逸常事曰視非常曰
觀刊本非常訛無事據穀梁傳改 又定公元年榮

駕鷺按駕宋本作駕

卷十一

魯與邾莒構怒條襄公四年補逸魯婦人之髻而弔也
自敗于臺駘始也刊本敗訛戰據檀弓改

卷十三

郊祀雩祭條定公元年補逸大旱雩祭而請雨刊本脫
旱字據春秋繁露增

卷十六

齊滅紀條莊公四年補逸諸侯世故國君為一體也刊

本故訛君據公羊傳改

卷十八

齊桓公之伯條僖公九年補逸北伐山戎離枝孤竹按
離枝國語令支

卷二十二

陳氏傾齊條昭公二十六年補逸若有播越在于四方
此臣之罪也刊本越訛之據晏子春秋改 又哀公
十四年適豐丘豐丘人執之以告刊本脫豐丘二字
據注疏本增

卷二十三

曲沃併晉條莊公十六年補逸更號曰晉武公始都晉國刊本武上衍候字據史記刪

卷二十四

驪姬之亂條僖公十年補逸若此而入自明明則驪姬必死刊本脫一明字據穀梁傳增又知而背之不信謀而困人不智刊本背訛有據國語改

卷二十五

晉文公之伯條僖公二十八年楚人救衛不克刊本衛

訛魏據注疏本改

卷二十六

楚莊王圖伯條宣公十二年補逸鄭伯肉袒牽羊奉簪
而獻國刊本奉訛春據賈誼新書改 又十八年補
逸楚文王好服獬冠刊本文訛莊服獬訛作雉字並
據淮南子改 又攷證楚相孫君諱饒字叔敖本是
縣人刊本缺是字據古文苑孫叔敖碑補

卷二十七

晉景楚共爭霸條成公十六年補逸子反辭以心疾共

王駕而往視之刊本往視之訛作自往二字據韓非子改

卷三十一

晉卿族廢興條發明賈季奔狄而狐氏廢刊本賈季二字互倒狐訛狄今改 又閔公元年考證晉獻公之十六年伐霍魏耿而趙夙為將刊本脫伐霍魏三字又脫而字並據史記增 又成公八年補逸乃二人謀取他人嬰兒負之衣以文葆刊本脫衣字 又昔下宮之難屠岸賈為之刊本之訛人並據史記增改

又定公十三年補逸譬之其猶蓐草者也刊本脫其字據新序增又十四年補逸吏曰此三軍之事也刊本事訛士據說苑改

卷三十三

晉失諸侯條襄公三十年史趙曰亥有二首六身刊本史趙二字互倒據注疏本改又昭公八年補逸平公曰客子為樂刊本子為訛之無據說苑改

卷三十七

衛懿公亡國條閔公二年補逸與百姓同勞苦以收

民刊本收訛救據史記改

卷三十九

衛孫甯廢立條襄公二十七年補逸子苟納我我請與
子盟刊本請訛欲據公羊傳改 又酒酣而送之以
璧顧反過而弗辭刊本過訛顧據呂氏春秋改

卷四十四

子產相鄭條襄公十九年鄭子孔之為政也專國人患
之刊本脫專字又二十二年鄭游販將如晉未出竟
遭逆妻者刊本妻訛姜 又三十一年車馬有所賓

從有代刊本代訛待並據注疏本增改 又補逸叔
嚮歸曰鄭有人刊本脫歸字據呂氏春秋增 又昭
公六年火未出而作火以鑄刑器刊本器訛書據注
疏本改

卷四十五

楚伐滅小國條桓公八年補逸成王舉我先公乃以子
男田令居楚刊本王訛公據史記改 又莊公六年
補逸使王子草王子靈共裾菜二子出採見老人載
畚乞馬不與刊本菜訛菜又脫乞馬二字 又十四

年補逸此不穀之過保將何罪刊本將訛者並據說苑增改

卷四十九

楚靈王之亂條昭公四年補逸軍人粲然皆策刊本軍下衍中字據穀梁傳刪 又七年補逸翟王之自爲室也堂高三尺刊本自訛國據新書改

卷四十九

吳通上國條襄公不一年補逸封其後為二其一虞在中國刊本在訛仕據史記改

卷五十

闔閭入郢條昭公二十年補逸子胥默然遂行刊本脫
遂字 又適會女子擊綿于瀨水之上刊本擊訛繫
並據吳越春秋增改 又二十七年補逸實倉廩治
兵庫斯則其實也刊本脫其字據吳越春秋增

卷五十一

勾踐滅吳條昭公十四年補逸太子未有定我入則決
矣刊本則訛前 又哀公元年補逸是寡人之不智
也而為相國快意耶刊本國下衍者字 又十七年

補逸分以丹青錯畫文章刊本以訛為 又二十二
年補逸公位乎分國共之刊本公訛分 又蠹去時
陰畫六陽畫三日前之神莫能制者刊本脫日字並
據吳越春秋刪改增

卷五十二

秦穆公伯西戎條文公四年補逸上含淳德以遇其下
刊本含訛念據史記改

欽定四庫全書考證

史部

卷三十三

之三十三

纂修官候補司業臣王太岳

臣曹錫寶

臚錄拔貢生臣周燮蓮

欽定四庫全書考證

卷三十二 史部

東觀漢記

建康實錄

隆平集

古史

東觀漢記

漢劉珍等撰

目錄卷七

宗室列傳趙孝王良 弘 梁 案弘梁二人各書俱
不載其追封爵諡故目錄僅列其名

原序

原序案羅願此序載文獻通考維時東觀漢記祇存八
篇至元時遂全佚今所裒輯者已與序語不相符合
以其為本書原序故仍冠卷端

卷一 帝紀一

光武紀節侯孫考侯案范書考侯名仁光武祖鉅鹿都尉回從弟也考姚本作考非 又上將生皇考以令舍下濕開宮後殿居之案李賢范書光武紀注引蔡邕光武碑文云光武將生皇考以令舍不顯開宮後殿居之而生與本書合范書謂光武生於縣舍殊為舛誤 又上生時有赤光室中盡明如晝皇考異之使卜者王長卜之長曰此善事不可言此數句姚本有之而文畧今從永樂大典本 又是歲鳳凰來集濟陽故宮皆畫鳳凰聖瑞萌兆始形于此上為人隆

準日角大口美鬚眉長七尺三寸此數句姚本有之
而文畧今從永樂大典本

固始侯兄弟為上言案固字永樂大典訛因字考范書
李通傳建武二年封通固始侯本書蓋據後日封號
以目通耳今改 又獨內念李氏富厚父為宗卿師
案范書李通傳云世以貨殖著姓父守為王莽宗卿
師通家居富逸為閭里雄李賢注云平帝五年王莽
攝政郡國置宗師以主宗室當時尊之故曰宗卿師
又諸李遂與南陽府掾史張順等連謀案范書李

通等傳不載張順之名賴本書以正其疎漏 又遂
市兵弩絳衣赤幘 又上歸舊廬望見廬南若火光
以為人持大呼之光遂盛赫然燭天有頃不見異之
又初伯升之起也諸家子弟皆逃自匿曰伯升殺
我及聞上至絳衣大冠服將軍服乃驚曰以為獨伯
升如此也仲謹厚亦如之 又上騎牛與俱殺新野
尉後乃得馬此數十句姚本有之而文稍異同今並
從永樂大典本

進圍宛城王莽懼遣大司徒王尋大司空王邑將兵來

征此數句姚本有之而文甚畧今從永樂大典本

又更始立以上為太常偏將軍案前漢書莽傳云莽
地皇四年三月漢立聖公為帝四月莽遣尋邑發兵
范書光武紀與前漢書同惟謂更始即位是在年二
月今尋繹本文則似更始之立又在王莽發兵之後
與班范二書異 又時無印得定武侯家丞印佩之
入朝此三句姚本有之而文有異同今從永樂大典
本 又二公兵到潁川嚴尤陳茂與合案前漢書王
莽傳莽地皇三年四月遣嚴尤陳茂擊荊州范書光

武紀更始元年正月伯升破嚴尤陳茂于滎陽是時
尤茂餘軍尚駐潁川故尋邑與之合也又李賢後漢
書注引桓譚新論云莊尤字伯石言嚴避明帝諱也
又且圍之數百重紫百范書作十 又時漢兵在
定陵郾者聞二公兵盛皆怖永樂大典郾訛郾據范
書改

更始以上為大司馬遣之河北此二句姚本有之而文
有異同今從永樂大典本

故趙繆王子臨說光武決水灌赤眉案臨范書作林

漢軍破邯鄲誅郎入王宮收文書得吏民謗毀公言可
擊者數千章公會諸軍燒之曰令反側者自安也案
范書光武紀文與此同王郎傳則云郎夜亡走道死
追斬之說復小異又此數句姚本有之而文有異同
今從永樂大典本

詔曰馮異軍雁門此條原本闕案范書光武紀及異傳
皆不載此詔惟異拒朱鮪李軼時曾北攻天井關拔
上黨兩城異軍雁門恐即此時

初王莽時上與伯升及姊婿鄧晨穰人蔡少公燕少公

道識言劉秀當為天子或曰是國師劉子駿也上戲
言曰何知非僕邪坐者皆大笑此條姚本有之而文
有異同今從永樂大典本

乃命有司設壇于鄆南千秋亭五成陌六月己未即皇
帝位改元為建武改鄆為高邑此條姚本有之而文
畧今從永樂大典本

高祖以十月為正以漢水德立北時而祠黑帝至孝文
時賈誼公孫臣以為秦水德漢當為土德永樂大典
臣誤弘案史記漢書張蒼傳以漢為土德請改正朔

易服色者乃魯人公孫臣非弘也且弘非孝文時人其誤無疑今改

上遣游擊將軍鄧隆與幽州牧朱浮擊彭寵隆軍潞浮軍雍奴相去百餘里遣吏上奏言寵破在旦暮上讀檄未竟怒曰兵必敗比汝歸可知吏還未至隆軍果為寵兵掩擊破浮軍遠至不敢救以兵走幽州咸曰上神案是時浮為幽州牧彭寵攻浮于薊則寵為客浮為主非浮遠至也范書云帝讀檄怒曰營相去百里其勢豈得相及寵果大破隆軍浮遠遂不能救最

得其實本書至字疑衍

三年十月上幸舂陵祠園廟大置酒與舂陵父老故人為樂此條姚本有之而文畧今從永樂大典本

四年五月上幸盧奴為征彭寵故也考范書光武紀建武四年幸盧奴遣祭遵討張豐不言征彭寵當是蔚宗失載又盧奴永樂大典誤靈奴今據范書改又自王莽末天下旱霜連年百穀不成元年之初耕作者少民饑饉黃金一斤易粟一石數旬姚本亦有之而文畧且不編于光武紀中別以斤金斗粟為目綴

輯他卷內今移編于此其文則悉從永樂大典本
又至二年秋天下野穀旅生此二句姚本有之而文
有異同今從永樂大典本

六年二月吳漢下朐城天下悉定唯獨公孫述隗囂未
平上曰取此兩子置度外乃休諸將置酒賞賜之案
范書光武紀蓋平董憲龐萌也又范書隗囂傳改為
關東悉平考是時尚有盧芳未降原文似不如范書
之密又乃休諸將云云姚本有之而文畧今從永樂
大典本 又開心見誠與人語好醜無所隱諱圖講

天下事極盡下恩永樂大典好醜句下誤接二年紀
文宗祀高祖以配上帝數句據太平御覽移正

七年正月詔羣臣奏事無得言聖人又舊制上書以青
布囊素裹封書此句姚本亦有之而文畧且不編于
光武紀中別以囊封為目綴輯于他卷內今從永樂
大典本 又河西大將軍竇融與五郡太守步騎二
萬迎上永樂大典五郡訛五部據范書改

建武十一年遣輕騎至成都燒市橋案范書吳漢傳漢
攻廣都拔之遣輕騎燒成都市橋故光武下詔書有

堅據廣都之語本書不載漢拔廣都當是脫佚 又
有獻名馬寶劍直百金此句姚本有之而文有異同
今從永樂大典本

建武十三年詔曰刺史太守多為詐巧不務實核苟以
度田為名聚人田中并度廬屋里落聚人遮道啼呼
此條之前姚本有光武閔傷前世權臣太盛外戚與
政數句案此條已見明帝紀今刪正

十九年上幸南陽汝南至南頓止令舍大置酒賜吏民
復南頓田租一歲此數句姚本有之而文稍異同今

從永樂大典本

中元二年上以天下既定思念欲完功臣爵土不令以吏職為過故皆以列侯就第恩遇甚厚遠方貢甘珍必先徧賜列侯而大官無餘有功輒增封邑故皆保全此條姚本有之而文畧今從永樂大典本

光武封新野主子鄧汎為吳侯姚本主誤王汎誤從據范書鄧晨傳改又后父陰睦宣陽侯姚本睦訛隆案李賢范書陰后紀注云東觀記后父名睦今世本睦作陸范書亦作陸當是由睦誤陸由陸誤隆而姚

年十三通春秋上循其頸曰吳季子陽對曰愚戇無比
案東觀為漢時本朝之史不應稱帝名當屬後人所
加

永平八年明帝幸南陽祀舊宅此條後姚本有元年營
造明堂靈臺辟雍十字係光武中元元年事誤入明
帝紀今刪

章帝元和二年帝至岱宗柴望畢白鶴三十從西南來
經祀壇上紫白鶴三十范書章帝紀作黃鵠三十

章帝賜尚書劔各一手署姓名韓稜楚龍泉郅壽蜀漢

文陳寵濟南鍛成案范書韓稜傳鍛成作推成李賢
注載漢官儀作鍛成與本書合

和帝孝和元年詔有司京師離宮園池悉以貸貧人案
和帝建元永元孝和二字舉諡號也

單于乞降賜玉貝劔羽蓋車一駟中郎將持節衛護焉
案范書南匈奴傳作玉劔四具羽蓋一駟又案范書
南匈奴傳持節衛護者尚任也

永元十年五月京師大雨南山水流出至東效壞民廬
舍此條後姚本有九真言嘉禾生一條係安帝延光

二年事誤入和帝紀今移正

卷三 帝紀三

安帝永初三年雁門烏桓及鮮卑叛五原郡兵敗于高梁谷案范書安帝紀作高渠谷李賢注謂渠梁相似必有一誤

順帝永建四年漢陽率善都尉蒲密因桂陽太守文鰲獻大明珠案范書不載密名

六年望都蒲陰狼殺女子九十七人案李賢范書順帝紀注云章帝改曲逆為蒲陰屬中山范書他本或作

滿陰誤也

陽嘉二年汝南童子謝廉河南童子趙建年十三各通
一經以太學初繕召而至皆除郎中案范書順帝紀
陽嘉元年太學新成除郡國耆儒補郎舍人二年復
除京師耆儒年六十以上者補郎舍人及諸王國郎
而不載除童子為郎中事

沖帝永嘉元年案永嘉表宏後漢紀作元嘉今從范書
延熹七年十月上幸雲夢至新野公主壽張敬侯廟姚
本熹訛壽敬侯下衍一主字今刪改 又五國並建

其二絕者祠之案范書樊宏傳宏封壽張侯宏弟丹封射陽侯兄子尋封玄鄉侯族兄忠封亢父侯宏少子茂封平望侯是五國也李賢注樊儵傳一案五侯勾不數平望之封而以宏封長羅又封壽張析而為二不知宏改封壽張則長羅之國已除豈可列之為二國邪

靈帝紀有黑氣墮所御溫明殿庭中案溫明范書靈帝紀作溫德司馬書五行志則與本書同

卷四 百官表

交趾刺史持節案歐陽詢藝文類聚載苗恭交廣記一條云建安二年南陽張津為交趾刺史交趾太守士燮表言伏見十二州皆曰州而交獨為交趾刺史天恩不平詔聽之以津為交州牧交之稱州蓋自此始其前祇稱交趾刺史也

建武元年復設諸侯王金璽綬綬案前漢書諸侯王盤綬晉灼曰盤草名出瑯琊平昌縣似艾可染綠因以為綬名又紫急就篇注綬蒼艾色東海有草其名曰莢以染此色因名綬云知盤與綬通也

卷五 志

天文志注案劉昭司馬書天文志注引蔡邕表志云言
天者有三家一曰周髀二曰宣夜三曰渾天案徐堅
初學記引此文竟題為蔡邕志今案此乃表志之文
非即蔡志也

卷六 列傳一

明德馬皇后傳章帝曰太后時廣平鉅鹿樂成王在邸
入問起居朕從上望見車騎鞍勒皆純黑無金銀采
飾馬不踰六尺于是白太后即賜錢五百萬案范書

馬后紀亦作五百萬可證永樂大曲作五萬之訛
孝崇匣皇后傳匣夫人生桓帝案范書蠡吾侯翼夫人
馬氏匣則翼媵妾也

卷七 列傳二

城陽恭王祉傳元帝初元四年徙南陽之白水鄉猶以
舂陵為國名案永樂大曲初元訛初平據范書本傳
改

東平憲王蒼傳章帝幸東平祭東平王墓云思其人到
其鄉其處在其人亡范書本傳作帝追感念蒼以此

語其諸子與此小異

孝德皇傳永元四年上移幸北宮章德殿講白虎觀慶
得八省宿止案上指和帝也姚本上字訛王字今改

卷八 列傳三

鄧禹聞上安集河北即杖策北度追及于鄴上欣其至
禹進說曰更始雖都關西今山東未安赤眉青犢之
屬動以萬數三輔假號往往羣聚更始既未有所挫
而不自聽斷諸將皆庸人崛起志在財幣爭用威力
朝夕自快非有忠良明智深慮遠圖欲尊主安民者

也明公雖建蕃輔之功猶恐無所成立于今之計莫如延攬英雄務悅民心立高祖之業救萬民之命以公而慮天下不足定也上大悅因令左右號禹曰鄧將軍常宿止于中與定計議此條姚本有之而文畧今從永樂大典本

鄧禹傳鄧禹攻赤眉賊不利吏士散已盡禹獨與二十四騎還詣雒陽案雒陽范書鄧禹傳作宜陽

鄧陟傳永初元年以定策功增封陟三千戶讓不獲遂逃避使者閉關上疏自陳考范書陟傳閉關作間關

李賢注猶崎嶇也案陟為太后弟避位上疏即不見聽未至間關本書閉關于義為長

鄧閻傳案閻袁宏後漢紀作閻

鄧訓五子及女弟為貴人立為皇后鄧氏自中興後累世寵貴凡侯者二十九人公二人大將軍以下十三人中二千石十四人州牧郡守四十八人其餘侍中大夫郎謁者不可勝數東京莫與為此此條姚本有之而文甚畧今從太平御覽本

賈復傳賈復為縣掾迎鹽河東會盜賊起等輩欺沒其

鹽復獨完致縣中案欺沒范書復傳作放散其鹽似
不若本書之尤確

耿弇傳更始使侍御史黃黨即封世祖為蕭王罷兵案
黃黨姓名范書不載惟李賢光武紀注引續漢書及
之

帝起坐曰卿失言我繫卿案李賢范書弇傳注引司馬
彪書作我斬卿

張步直攻弇營與劉歆等會戰弇升王宮環臺望之案
李賢范書弇傳注云臨淄本齊國所都即齊王宮中

環臺也此作環

耿國傳耿國字叔憲案憲范書作慮與本書異

卷九 列傳四

岑起傳案范書岑彭傳起作杞

馮異傳異薦邑子鮑期叔壽殷建左隆等光武皆以為
掾史案殷建范書作段建李賢注引司馬彪續漢書
則與本書同

王郎起兵上自薊東南馳晨夜草舍夜至饒陽燕婁亭
案燕范書本傳作無

念自修整無為郡縣所笑案范書本傳笑作苦

朱祐傳案通鑑考異云范書表紀朱祐皆作祐考東觀
記祐作福本避安帝諱而許慎說文祐字下不云上
諱然則朱名當作示旁加古今之古不當作祐也

祭遵傳祭遵從征河北為軍市令上舍中兒犯法遵格
殺之上怒命收遵主簿陳副諫曰明公常欲衆軍整
齊今遵奉法不避是教令行也上乃貸之以為刺姦
將軍語諸將曰當避祭遵吾舍中兒犯法尚殺之必
不私諸卿也此條姚本有之而文畧今從太平御覽

增

祭遵病薨喪至河南縣詔遣百官皆至喪所上車駕素服往弔望城門舉音遂哭而慟還幸城門閱過喪車瞻望流涕上親臨祠以太牢儀如孝宣帝臨霍將軍故事此條姚本有之而文畧今從永樂大典本

蓋延傳延為虎牙大將軍與戰永軍反走溺水者半後與戰連破之遂平沛楚臨淮悉降延令沛修高祖廟置嗇夫祝宰樂人因齋戒祀高廟此條姚本有之而文畧今從水經注本

卷十 列傳五

馬武傳持戟奔擊殺數十人案范書本傳十作千

李忠傳王郎遣將攻信都馬寵等開城內之收太守宗
廣及李忠母妻子皆繫獄而今觀屬招呼忠時寵弟
從忠為校尉忠即時召見責數以背恩反賊因格殺
之諸將皆驚曰家屬在手中殺其弟何猛也忠曰
若縱賊不誅則二心也上聞而美之謂忠曰今吾兵
已成也將軍可歸救老母妻子忠曰蒙明公大恩思
得効命誠不敢內顧宗親此條姚本有之而文畧今

從永樂大曲本

劉植傳姚本植訛桓令改

劉嘉傳案此別一劉嘉非范書宗室四王三侯之順陽
懷侯嘉也

竇融傳光武詔封竇融曰行河西五郡大將軍張掖屬
國都尉竇融執志忠孝扶微救危仇疾反虜隗囂率
厲五郡精兵羌胡畢集兵不血刃而虜土崩瓦解功
既大矣篤意分明斷之不疑吾甚嘉之其以安豐陽
泉蓼安風凡四縣封融為安豐侯此條姚本有之而

文畧今從永樂大典本

卷十一

列傳六

來歙傳隗囂圍來歙于畧陽世祖詔曰桃花水出船槩
皆至郁夷陳倉分部而進案司馬書郡國志右扶風
有陳倉無郁夷蓋東漢時省又案此條永樂大典及
姚本俱無今從水經注補入

來歙與蓋延攻公孫述將王元破之蜀人大懼使刺客
刺歙歙未死馳告蓋延延見歙伏悲不能仰視歙叱
曰故呼卿欲屬以軍事而反效兒女子泣涕乎延收

淚強起受所誠歛自書表投筆抽刃而死此條姚本有之而文畧今從永樂大典本

樊重傳家素富外孫何氏兄弟爭財重恥之以田二頃解其忿訟縣中稱美推為三老年八十餘臨終其素所假貸人間數百萬遺令焚削文契債家聞者皆慙爭往償之諸子從勅竟不肯受此條姚本有之而文畧今從永樂大典本

樊宏傳案宏袁宏後漢紀作家

樊梵傳樊梵為尚書郎每當直事常晨駐馬待漏雖在

閒署冠劔不解于身每齋祠恐失時乃張燈俯伏此
條姚本有之而文畧今從永樂大典本

樊準傳姚本前後兩見一作樊准編于傳俊傳後一作
樊準編于魯恭傳後準為御史中丞一條則兩傳俱
有之今刪其複出合并編正

卷十二 列傳七

馬援傳馬援為郡督郵送囚至府囚有重罪援哀而縱
之亡命北地遇赦留此條永樂大典姚本皆無之今
從太平御覽補

馬援與楊廣書曰車丞相高祖園寢郎一月九遷為丞相者知武帝恨誅衛太子書訟之案前漢書車千秋傳千秋由高寢郎數月始為丞相與本書所引微異

馬援好事至荔浦見冬筍名曰苞筍上言禹貢厥包橘柚疑謂是也其味美于春夏筍此條永樂大典及姚本無之今從太平御覽補

馬援謂官屬曰吾在浪泊西里烏間案烏間太平御覽及范書本傳俱無烏字恐是地名

馬援行亭鄣到右北平詔書賜鉅鹿鯁三百匹此條永樂大典及姚本無之今從太平御覽補

馬防傳馬防字公平案范書本傳公平作江平與此異章帝建初三年馬防為車騎將軍城門校尉置掾史位在九卿上絕席此條姚本有之而文畧今從永樂大典本

馬客卿傳案史例應書名客卿不應獨書字緣其名不可考姑仍傳文標目

馬融傳融才高博洽為通儒教養諸生常有千數涿郡

盧植北海鄭元皆其徒也善鼓瑟好吹笛達生任性不拘儒者之節居宇器服多存侈飾常坐高堂施絳紗帳前授生徒後列女樂弟子以次相傳鮮有入其室者此條姚本有之而文畧今從永樂大典本

梁統傳統疏稱元帝初元五年輕殊死刑三十四事哀帝建平元年輕殊死刑八十一事其四十二事手殺人者減死一等案范書統傳約之云臣竊見元哀二帝輕殊死之刑以一百二十三事手殺人者減死一等考范書所載減輕條目其數與原文不合蓋緣元

帝所輕三十四事范書未曾統計耳賴本書載統疏
原文可訂其訛

梁竦傳悼騷賦雖吞刀以奉命兮抉目眦于門閭竦
賦本以悼子胥屈原此句正用伍員事也雖字疑是
胥字之訛

梁商傳梁商安定烏氏人考史家體例凡子孫附于祖
父傳者但于祖父傳中書明為某地人後此更不復
載此條當是梁統傳文後來採摘東觀漢記者移入
商傳

卷十三 列傳八

伏隆傳姚本隆作盛蓋當時避殤帝諱今改

宋弘傳上嘗問宋弘通儒之士案通儒之士或傳寫有訛考范書本傳作通博之士太平御覽引本書與范書同文義較妥今仍原本

張湛傳湛為太子太傅及郭后廢因稱疾拜太中大夫病居中東門候舍故時人號中東門君此數句姚本有之而文畧今從永樂大典本

杜林傳隗囂乃出令曰杜伯山天子所不能臣諸侯所

不能友蓋伯夷叔齊恥食周粟今且從師友之位須
道開通使順其志林雖拘于囂而終不屈節建武六
年弟成物故囂乃聽林持喪東歸既遣而悔追令刺
客楊賢于隴坻遮殺之賢見林身推鹿車載致弟喪
乃歎曰當今之世誰能行義我雖小人何忍殺義士
因亡去此條姚本有之而文畧今從永樂大典本
馮勤傳偃為黎陽令案偃父揚宣帝時已為太守則偃
自是西漢末人本書不應為立專傳故此條附入勤
傳編于馮勤會祖揚一條後

兄弟形皆偉壯惟勤祖偃長不滿七尺當自謂短陋恐子孫似之乃為子伉娶長妻生勤長八尺三寸此條永樂大典及姚本無之今從太平御覽補

趙熹傳趙熹奮迅行伍此條永樂大典及姚本無之當是序中語今從李善文選注補編于傳末

卷十四 列傳八

朱鮪傳世祖以岑彭嘗為鮪校尉令彭說鮪曰赤眉已得長安今公誰為守乎蕭王受命平定燕趙百姓安士歸心賢俊四面雲集今北方清淨大兵來攻唯保

一城欲何望乎不如亟降案是時光武已即位史官
載筆不應稱蕭王恐抄撮記文者有訛

鮑永傳上謂鮑永曰我攻懷三日兵不下關東畏卿且
將故人往即拜永諫大夫至懷謂太守曰足下所以
堅不下者未知孰是也今聖主即位天下已定不降
何待即開城降案通鑑考異云范書無更始河內太
守據懷事光武本紀亦無攻懷一節而田邑與永書
稱主亡一歲莫知定所則永行之降必在建武二年
幸脩武時脩武亦河內縣也其稱降懷等事當是史

誤又此條永樂大典及姚本無之今從太平御覽增
馮衍傳饑者毛食寒者裸跣案李賢范書注云毛草也
衍集作無今俗猶然或古者毛與無通用 又夫并
州之地東帶石陁關北逼強胡案范書本傳作東帶
名關

馮豹傳豹好儒學以詩傳教授案范書本傳作豹以詩
春秋教麗山下與此稍異

卷十五 列傳十

丁鴻傳肅宗詔鴻與太常樓望少府成封屯騎校尉桓

郁衛士令賈逵等集議白虎門使五官中郎將魏應
主承制問難侍中淳于恭奏上帝親稱制臨決鴻以
材論最明儒者稱之數嘆美焉時人嗟曰殿中無雙
丁孝公此條姚本有之而文畧今從太平御覽本
又范書本傳白虎觀論五經同異者尚有明帝子廩
平王羨本書未載

王丹傳丹資性清白疾惡豪強此條永樂大典及姚本
無之今從太平御覽補

王良傳王良為大司徒司直姚本無司直二字考范書

良傳叙鮑恢到東海事與本書多同時良正為大司徒司直今從永樂大典增

郭伋傳郭伋細侯為并州牧前在州素有恩德老小相攜道路行部到西河美稷有兒童數百各騎竹馬于道次迎拜伋問兒曹何自遠來對曰聞使君始到喜故奉迎伋辭謝之事訖諸兒送出郭外問使者何日當還伋使別駕計日告之既還先期一日伋為違信止于野亭須期乃入此條劉知幾史通馭之云方伯儀比諸侯草萊稚子安能自陳襟抱不可信一也方

伯按部供具有程安能輕赴數童之期居止無常不可信二也晉陽無竹安得羣戲竹馬不可信三也案偃于并州舊有德政童子歡迎理宜有之史記稱山西饒材竹則晉陽未嘗無竹也行部供具尤非循吏舉動劉說殊為迂謬

茨充傳茨充為桂陽太守考范書與此同惟賈總齊民要術稱充為桂陽令案為令不能下令屬縣矣賈說舛訛

卷十六 列傳十一

班超傳班超字仲升扶風平陵人徐令彪之子也為人
大志不修小節然內孝謹居家常執勤苦不恥勞辱
有口辯而涉獵書傳此條永樂大典及姚本無之今
從太平御覽補

班超自以久在絕域年老思土上疏曰臣常恐年衰奄
忽僵仆不敢望到酒泉郡但願生入玉門關此條永
樂大典及姚本無之今從太平御覽補

鄭衆傳永平八年北匈奴遣使求和親上遣鄭衆持節
使匈奴衆素剛烈至北庭虜欲令拜衆不為屈單于

大怒圍守閉之不與水火欲脅服衆衆拔刀自誓單
于恐而止此條姚本有之而文畧今從永樂大典本
桓榮傳初桓榮遭倉卒困厄時嘗與族人桓元卿俱据
拾投間輒誦詩元卿謂榮曰卿但盡氣爾當安復施
用時乎榮笑而不應後榮為太常元卿來候榮榮諸
弟子謂曰平生笑盡氣力今何如元卿曰我農民安
能預知如此此條姚本有之而文畧今從永樂大典
本

桓郁傳帝自制五家要說章句令郁校定于宣明殿考

李賢范書郁傳注云五家五行之家案下文有上自講所制五行章句之語知李注為確也

上問郁曰子幾人能傳學郁曰臣子皆未能傳學孤兄子一人學方起考李賢范書桓榮傳注引華嶠書云榮長子雍早卒范書郁傳云榮卒郁當襲爵讓于兄子汎則郁所謂學方起者當指汎言

桓璉傳姚本璉訛璉據李賢傳注改

桓譚傳光武即位拜議郎此條永樂大典及姚本無之今從李善文選注補入

桓譚譏訕圖讖有詔會議靈臺所處上謂桓譚曰吾欲
識決之何如譚默然良久曰臣不讀讖上問其故譚
復極言讖之非經上大怒曰桓譚非聖無法將下斬
之譚叩頭流血良久乃得解此條姚本有之而文畧
今從永樂大典本

劉軼傳姚本軼訛較今改

溫序傳溫序字次房為護羌校尉案通鑑考異謂范書
西羌傳建武九年方置護羌校尉序無緣作此官本
文舛誤今識於此以資考訂

古初傳長沙有義士古初遭父喪未塋鄰人火起及初舍棺不可移初冒火伏棺上會火滅人以為孝感所致云此條姚本有之而文畧今從永樂大典本

逢萌傳姚本逢訛蓬據永樂大典改

家貧給事為縣亭長尉過迎拜問事微久尉去舉拳搥地嘆曰大丈夫安能為人役邪遂去學問案舉拳搥地句范書本傳作擲楯嘆曰李賢注亭長主捕盜賊故執楯也

王莽居攝子宇諫莽而莽殺之逢萌謂其友曰三綱絕

矣不去禍將及人解冠挂東都城門歸家將浮海客
于遼東此條姚本有之而文畧今從永樂大典本
王霸傳案此王霸范書八逸民傳非建武功臣之王霸
也

閔貢傳周黨嘗遺仲叔生麻仲叔嘆曰我欲省煩耳受
而不食案麻范書作蓀

卷十七 列傳十二

孫堪傳姚本堪訛湛據范書改

鍾離意傳意在堂邑為政愛利輕刑慎罰撫循百姓如

赤子案此條係意為堂邑今時事而李賢注范書意傳乃繫之意為魯相之下考續漢書郡國志堂邑屬臨淮不屬魯且本文有興功役者令句則其非為相時事可知也今訂于此以資考證

趙孝傳廷武初天下新定穀食尚少孝得穀炊將熟令弟禮夫妻俱出外孝夫妻共蔬食比禮夫妻歸即曰我已食訖以穀飯獨與之積久禮心怪疑後掩伺見之亦不肯食遂共蔬食兄弟怡怡鄉里歸德此條姚本有之而文畧今從永樂大典本

卷十八 列傳十三

第五倫傳第五倫每見光武詔書常嘆曰此聖主也當何由一得見決矣等輩笑之曰汝三皇時人也爾說將尚不下安能動萬乘主邪倫曰未遇知己道不同故耳此條姚本有之而文畧今從永樂大典本

鄧彪傳鄧彪字智伯彪少修孝行厲志清高與同郡宗武伯翟敬伯陳綏伯張弟伯同志好齊名稱南陽五伯此數句姚本有之而文畧今從永樂大典本

鄭均傳兄仲為縣游徼頗受禮遺均數諫止不聽即脫

身出作歲餘得數萬錢歸以與兄曰錢盡可復得為吏坐贓終身捐棄兄感其語遂為廉潔稱清白吏此數語姚本有之而文畧今從永樂大典本

廉范傳章和二年帝崩廉范奔赴敬陵還入城見道中有諸生乘小車馬頓死泥中諸生立旁不能自進時范問為誰所從來生白廬江太守掾嚴麟為太守奉章來弔范惻然令從騎下馬與之不告而去麟事畢不知馬所歸緣路訪之或謂麟曰故蜀郡太守廉叔度好賔人窮今奔國喪當是時麟亦素聞范名以為

然即牽馬造門謝而歸之世服其好義此條姚本有之而文畧今從永樂大典本

玄賀傳案此傳姚本前後兩見一編王綝傳後一編尹勤傳後並訛賀玄永樂大典亦同今據常璩華陽國志及范書合并改正

賈逵傳賈逵長八尺二寸能講左氏及五經本文以大夏侯尚書教授京師為之語曰問事不休賈長頭此條永樂大典及姚本無之今從太平御覽補

召馴傳召馴字伯春案召永樂大典訛占附訂于此

宋揚傳姚本揚訛楊據范書改

淳于恭傳淳于恭字孟孫北海人以謙儉推讓為節家有山田橡樹人有盜取之者恭助為收拾載之歸乃知是恭橡盜載橡還之恭不受人又有盜剝恭禾者恭見之念其媿因自伏草中至去乃起此條姚本有之而文畧今從永樂大典本

梁鴻傳鴻將之會稽作詩曰維季春兮華阜麥含金兮方秀案含金范書本傳作含舍與此異

卷十九 列傳十四

張酺傳酺為太尉父尚在酺每遷轉乃一到雒父來適會正臘公卿罷朝俱賀歲奉酒上酺父壽極歡案酺每遷轉二句范書本傳作酺每有遷職輒一詣京師常來候酺措語有乖史體遠遜本書之簡當

魯恭傳魯恭為中年令時郡國螟傷稼犬牙緣界不入中年此條姚本有之而文略今從永樂大典本

魯丕傳姚本丕訛平據范書改

陳寵傳寵為尚書性周密重慎時有表薦輒自手書削草人莫得知此條姚本有之而文畧今從永樂大典

本

魏霸傳延平元年仕為光祿大夫霸妻死長兄伯為霸
取妻送至官舍霸笑曰年老兒子備具矣何用空養
他家老嫗為即自入辭其妻奉案前因跪曰夫人視
老夫復何中而遂失計義不敢屈即拜而出妻慙求
去遂送還之此條姚本有之而文畧今從永樂大典
本

黃香傳父況舉孝廉為郡五官掾案李賢范書本傳注
引謝承書云況為葉令與本書稍異

黃香為郎詔詣安福殿賜錢三萬黃白絺各一端此條
永樂大典及姚本無之今從太平御覽補

汝郁傳郁年五歲母被病不能飲食郁常抱持啼泣亦
不飲食此條太平御覽不知汝字為姓遂編此條于
孝女類中類書抄撮斯為最舛今訂于此

卷二十

列傳十五

楊震傳震到雒陽都亭案范書本傳作城西夕陽亭

卷二十一

列傳十六

段熲傳段熲上書言掠得羌侯君長金印四十三銅印

三十一錫印一枚長史司馬涉頭長燕鳥校棚水塞尉印五枚紫綬三十八黃綬二枚皆簿入也此條姚本有之而文畧今從永樂大典本

劉寬傳劉寬簡畧嗜酒嘗有客遣蒼頭市酒迂久大醉而還客不堪之罵曰畜產寬須臾遣人視奴疑必自殺顧左右曰此人也罵言畜產辱孰甚焉吾懼其死也此條姚本有之而文畧今從永樂大典本

張奐傳休屠各及朔方烏桓並同及遂燒度遼將軍門列屯赤地烟火相望案赤地范書與傳作赤阮

卷二十三 載記

赤眉傳琅邪人樊崇字細君起兵于莒同郡東莞人逢
安字少子東海臨沂人徐宣字驕穉謝祿字子奇及
楊音各起兵合數萬人案前漢書王莽傳赤眉力子
都樊崇等起于琅邪本書不載子都名當是闕佚
王郎傳王郎遣諫議大夫杜威持節詣軍門案本書光
武紀作杜長威而范書王郎傳亦作杜威與此互異
彭寵傳彭寵奴子密等三人共謀劫寵寵時齋獨在便
坐室中晝夜臥子密等三人縛寵著牀板告外吏大

王解齋吏皆便休又用寵聲呼其妻入室見寵此條姚本有之而文略今從永樂大典本

寵曰趣為諸將辦裝兩奴將妻入取寵物一奴守寵寵謂奴曰若小兒我所素愛今解我縛當以女珠妻若小奴見子密聽其女遂不得解子密收金玉衣物使寵妻縫兩縑囊夜解寵手令作記告城門將軍云今遣子密等詣子后蘭卿所其開出勿稽留書成即斷寵及妻頭置縑囊中西入上告朝廷以奴殺主不義復不可不封乃封子密為不義侯此條姚本有之而

文畧今從永樂大典本

卷二十四

佚文

後漢有南宮北宮承光宮也 又漢有沛宮甘泉宮太
一宮思子宮後漢有胡桃宮案此二條不似史體疑
是他書之文而誤題漢記者今以無可考姑從北堂
書鈔及初學記錄入

建康實錄

唐許嵩撰

卷一

吳太祖十三年分歙置始新原本新訛所據吳志改

五年大將軍陸遜條尚書古今大義原本今訛人據吳志改

卷三

廢帝建興元年條舊穀既盡新田不收原本脫舊穀既盡四字據吳志增

卷四

後主二年條分豫章廬陵長沙為安成郡原本脫為安
成郡四字據吳志增

卷六

晉肅宗明皇帝二年條臨陣斬前鋒何康鄧岳注為王
敦叅軍原本王敦訛桓溫據晉書改

敦字處仲條舉坐歎其雄爽注敦乃開後閣原本敦訛
事據晉書改

卷八

康皇帝咸和元年封吳王原本吳訛為據晉書改

孝宗穆皇帝八年中軍將軍殷浩率衆北伐原本脫將車二字據晉書增

卷九

列宗孝武皇帝條坦之字文度注以此為濠上悟之者得無鮮乎原本脫鮮字據晉書增

后諱蒜子條少聰明原本聰明訛明德據晉書改

卷十

安皇帝隆安三年恩既自稱征東將軍原本恩訛害據

晉書改

卷十一

宋廢帝滎陽王二年條未能忌言于悟賞故與之遊耳
原本賞訛當耳訛矣又脫與字並據宋書改增

卷十二

太祖文皇帝元嘉五年條指陳得失勿有所諱原本指
陳得失訛直指陳失據宋書改

二十二年南平王鐸為冠軍將軍原本冠軍訛九將據
宋書改

卷十三

世祖孝武皇帝大明五年彭城太守張岱原本脫岱字
據宋書增

少帝諱子業條復淮南為梁山郡案梁山宋書作南梁
卷十四

太宗明皇帝泰始二年連營至蕪湖案蕪湖宋書南史
俱作濃湖

黃回傳及破景素原本景素訛侯景據宋書改
卷十五

齊崔祖思傳與刺史劉懷珍原本劉懷珍訛桓護之據

齊書改

卷十九

陳高祖武皇帝封新安縣子原本安訛枋據陳書改
永定二年春三月原本三訛正據陳書改

卷二十

陳朝功臣王元規條自梁諸儒相傳為左氏學者皆以
賈逵服虔之義難駁杜預原本儒訛侯又脫逵服二
字並據陳書改增

隆平集

宋曾鞏撰

卷三

至道二年條于河陰獲嘉太原等倉案獲宋史作含

卷五

李迪條降太常卿知密州案密宋史作岳與此異

卷八

范仲淹條州之西北有寨據後橋川刊本後訛復據宋

史改

卷十四

錢昆條吾當白衣召至翰林案宋史作吾當自布衣召至禁林與此異

卷十七

楊業或曰繼業麟州人案宋史作楊鄴并州太原人父信為漢麟州刺史與此異

古史 宋蘇轍撰

卷二

五帝本紀故堯禪舜舜祀嚳於郊刊本祀訛祝令改

卷五

周本紀于是大封功臣刊本大封二字互倒今改 又
形民之力刊本形訛刑據左傳改 又司商協名姓
刊本名訛民據國語改 又為國為之師刊本為訛
為今改

卷六

秦本紀秦師又至必將辟之刊本又訛以據左傳改

卷七

秦始皇本紀齊王建與其相后勝刊本相訛宿令改

又天子稱朕固不聞聲于是二世常居禁中刊本脫
不字聞聲二字互倒是訛世並據史記增改

卷八

吳太伯世家壽夢說之刊本脫夢字今增

卷九

齊太公世家子成公說立刊本說訛脫據史記改 又

管夷吾召忽刊本脫忽字今增 又敢不唯子是從
刊本子訛二據左傳改 又取謹及闡刊本謹訛驩
據春秋改

卷十

魯周公世家以賂求慶父于莒而殺之刊本殺訛立據
左傳改

卷十二

蔡叔曹叔世家齊桓公帥諸侯城夷儀而遷之刊本脫
侯字今增

卷十三

陳杞世家慶氏求專陳國刊本求訛不 又歲及鶉火
而後陳卒亡刊本後訛多今並改

卷十四

衛康叔世家圖菟圃刊本圖訛為據左傳改 又宋樂
茂刊本宋訛送今改

卷十五

宋微子世家二國歸之刊本二訛至據左傳改

卷十六

晉唐叔世家曹共公亦不禮焉刊本共訛文 又諜出

曰原將降矣刊本諜訛謀今並改 又蒐于清原刊

本原訛源 又無終子嘉父刊本脫父字並據左傳

改增

卷二十一

魏世家邊城盡拔刊本邊訛遣據史記改

卷二十九

晉叔向列傳邢侯與雍子爭鄆田刊本鄆訛鄆據左傳

改

卷三十二

孔子弟子列傳秦商父董父刊本董訛董據左傳改

又榮祈字子祺刊本祺訛棋據史記改

卷四十

蘇秦列傳韓北有犇洛咸舉之固刊本脫洛字據史記

增

卷四十一

張儀列傳此吾在術中而不悟刊本吾在二字互倒

又塞斜谷之口刊本斜訛什又伐取魏之曲沃平

周刊本平訛子並據史記改

欽定四庫全書考證

古史

卷三十二

四十二

[illegible]